



39099

kal.komp.

I

Mag. St. DiP

Feet. 2806

*Conium maculatum: Thesaurus absconditus
verbi incarnati.*

Biblioteka Jagiellońska



stdr0002416

T
A
VI
Th
pier

Ex

Thefa
entia

Expon
Trini

BINC

Ex

THESAVRVS
ABSCONDITVS
VERBI INCARNATI

Thefauros omnes Gratia, Sa-
pientia & Scientia Dei excellentissime
complectens.

*Ex Thesauro doctrinae D. Thomae Aquinatis
Doctōris Angelici excerptus.*

Thesaurus iste, in quo sunt omnes thesauri Sapientiae & Sci-
entiae absconditi, Deus. Verbum est, qui in Carne Chri-
sti videtur absconditus. Hieron: sup. Matt.



*Exponetur publicae Disquisitioni Cmc. ad Aides SS.
Trinit. satisfaciente obiectis F. MARIANO COLVM-
BINO, sub Patrocinio Reu. P. F. Camilli Iasinski,
S. Theol. Bac. Anno Domini, 1619.*

Mense Die Hora



CRACOVIAE,
Ex Officina Typogr. Matthiae Andreouiensis.

VIS N E S C I A VINCI.



Quid sibi Stemma notat? quid magnum Stemma repandit?
 Spicula Crux signat bina, sub astra volans!
 Quid saliens Vulpes in culmine Stemmatis alni?
 Quid sapiū ō SAPIEHA ac Vir generose? refer.
 Iam scio: Crux pietate micat, Virtusq; Sagittā.
 Et Vulpes salus decipit ore tuos.
 Sancta Sapiū: vibra iaculum graue in hostica castra;
 Astra Sagitta dabit, Cruxq; Brahea tibi.

DIADOCHOS.

Nomina bina fouet Verbum sub Blemmate, celsum,
 Magnati bino, munera sancta Dico.
 Dictitat illa sibi Casimirus, dictat et alter,
 Amborum sunt. Nam Deus vnus homo.

Illustribus & Generosis Dominis,
D. CASIMIRO, & D.
THOMÆ SAPIEHIS.

Illustrissimi Domini,
D. NICOLAI SAPIEHÆ,
Palatini Nouogroden. Niemonoicen. Hai-
nen. &c. &c. Capitanei,

OPTIMÆ SPEI FILIIIS

FR. MARIANVS COLUMBINVS ex Ord. Prædica-
torum, Sac. T. Stud. Formalis Felicit.



HESAVRVM ABSCON-
ditum, non ex visceribus terræ eru-
tum, sed ex sacratissimo augustissimæ
Triadis ænario depromptum, & per vi-
sceri gloriôsæ cælorum Reginae fe-
cundissima in terram delapsum Vobis Illustr. & Gen.
Domini pro mea tenuitate verecundiùs, pro rei maie-
state animosiùs offero dedicoq;. Vobis, inquam, quorum
& illustrissima familia longe latèq; exporrectis domesti-
cæ gloriæ radius, quâ naturæ, quâ fortunæ, virtutūq;
thesau-

...sauros satis Superq; complexa, & propria Specta-
tissima indoles virtutis, Thesarum hunc meum non
magnificentius, quàm veriùs sibi vendicauit. Quid
ita? Quemadmodum excelsæ virtutis est, ad sublimia
quæq; animo & desiderio assurgere; ita Magni Paren-
tis magnæ Spei filiorum est, natia & honestissima qua-
dam ratione, adeo morum vitæq; integerrimæ lucere
igniculis, vt eos intimè exosculari, & Diuini oblatio-
ne Thesauri liceat venenari. Ex quo quidem the-
sauro clarissima illa maiorum vestrorum lumina, electû
pietatis aurum in Deum O. M. & Patriam, argentum
nunquam adulteratæ fidei erga Serenissimos Poloniae
Reges, gemmas & lapides virtutum preciosos, vsq; ad
abundantiam accepere. Cæterùm ego cum mirificum
natalium vestrorum aspicio splendorem, in quibus am-
plissimæ nobilitatis cum virtute, pulcherrimum, non
sanguinis, sed ad immortalitatem consecrati nominis
certamen admiror: profectò Illustrissimi Parentis Ve-
stri adminabilis virtutum heroicarum fulgor, ita meos
perstringit oculos, vt illic Syderum hic fulgentissimos
veluti Solis radios intueantur. Absconditus quippe
Thesaurus, aperto liberalitatis sinu, magnifica sanè cæ-
lestium diuitiarum munera in eum cumulatissimè effu-
dit. Vultis aurum purissimum? Dei & Reipub. a-
mor, aurum est, Orthodoxæ fidei claritate resplendens.
Argentum desideratis? multis testata experimentis fide-
litas in

litas in Principem sincerissima, argentum est. Unio-
nunè vel lapidii præstantiam & sibi ipsam et merces &
precium virtus, omni præciosior auro lapis est; qui boni
cuiusq; mentem eò in maiorem rapit admirationem, quò
naturæ grauedinem, grauitate animi, in obeundis bono-
rificè domi forisq; sui Principis legationibus, diues ho-
noris & gloriæ, felicius deuicit. Vestri isthæc gloria est
Illustr. & Gen. Domini, vestræq; indoli porrectum in-
centiuum, & tanquam præclarissimum omnium actio-
num cogitationumq; vestrarum exemplar ante oculos
propositum in tota vita vobis imitandum obseruandumq;
quis dubitet? Ut ij vel maximè sitis, qui non fumosis
duntaxat maiorum imaginibus, sed magis in eorum lu-
cidissimis insistentes vestigiis, & virtute propria rerumq;
præclare gestarum præsidio muniti, ad honores, ad glo-
riam, ad immortalitatem vobis comparandam curriculo
felicissimo euecti celerius contendatis. Redeo iam ad
thesaurum Absconditum, eumq; amplissimo vestro no-
mini iterum atq; iterum offero. Et quoniam illud quan-
tò est illustrius tantò humanius, spero fore, vt hoc me-
um propensi animi alacritate conditum munus, prius in
animum, deinde ad dexteram vestram admittatis. No-
lite quærere oblati muneris commendationem, quia
Verbum Dei est in carne absconditum; nolite scrutari
magnitudinem, quia augustissima Maiestas est; non
præstantiam, quia æterna felicitas est, neq; vtilitatem,

quia Theſaurus eſt. Hunc vos Illuſtr. & Gen. Dñi
veſtra galea freti ſecuritate, in animis pectoribus ꝑ ve-
ſtris recondite, & ſingulari ſupereminentiſ vulpecula
prudencia æternũ conſeru ite. Abſconditus licet ſit,
attamen ſagitta illa ardentiffimi amoris veſtri trans-
uerberatus prodibit, agnoſcet q; diadema veſtrum Rex
Regum, & cruces veſtras orbis per crucem reparator
amplectetur. Bene & feliciter creſcite, cum amoris in-
familiam D. Dominici Prædicatoriam incremento.

Fr. MARIANVS CO-
LUMBINVS, Sac. Th.
Stud. Ord. Prædic.



nio
sulte
le, ip
esse
man
esse,
inte
2.
stasi
nior
alici
non
3.
dete

T H E S A V R V S
A B S C O N D I T V S
V E R B I I N C A R N A T I
D e G r a t i a V n i o n i s .



Retiosissimum thesaurum in agro
Vteri Virginei inuenimus Christū
fide docente cōstare duabus Natu-
ris, Diuina scilicet & Humana, ad
inuicem vnitis. Quarum tamen V-
nio non est facta in Natura, sic quòd ex illis re-
sultet aliqua tertia Natura. Id enim esse impossibi-
le, ipsa ratio demonstrat docens, Diuinam Naturam
esse intransmutabilem, nec posse esse alicuius for-
mam in esse naturali, licet in esse intelligibili possit
esse, in intellectu creato vicem supplens Speciei
intelligibilis.

2. Sed est facta in Persona seu supposito aut hypo-
stasi: Sic quòd Terminus huius excellentissimæ V-
nionis sit persona Diuina. Omne enim quod inest
alicui personæ siue pertineat ad naturam illius, siue
non, vnitur ei in persona.

3. Et cum Persona super hypostasim nō addat nisi
determinatam naturam, rationalem, scilicet, idcir-
co impiè

co impiè imo hæreticè loquuntur illi, qui dicunt
Vnionem hanc in persona non tamen in hypostasi
factam fuisse, asserentes in Christo duas hypostasies
vel duo supposita fore.

4. Licet aut ibi sit vnum subsistens, quia tamen
est alia & alia ratio subsistendi, ideo Persona Christi
verè & formaliter dicitur composita. Et propter
hanc etiam duplicem rationem subsistendi personæ
Verbi in duabus naturis posset dici, quod illa perso-
na est formaliter cōposita ex naturis, Diuina videli-
cet & humana, tanquam ex terminis, in quibus cō-
positio personalis exercetur, non tamen tāquam ex
extremis compositionis.

5. Amplius Vnio hæc non est accidētalis, vt im-
piè sensit Nestorius, sed est substantialis, non tamen
in tantum vt confundat duas in Christo Naturas, vt
voluit Eutyches. Errant igitur ambo, ille separando
Personam Filij Dei à Persona hominis, iste verò v-
nam naturam sicut & personam in Christo asserēdo.

6. Eadem Vnio est maxima omnium vnionū, ra-
tione illius in quo vniuntur, id est Diuinæ Personæ,
quæ est maximè Ens, maximè Vna, non autem ra-
tione vnitorum.

7. Quamuis aut Personæ Diuinæ propriissimè
conuenit naturam humanam assumere, cum ipsa sit
Principium & Terminus assumptionis; secundariò
tamen & ratione Personæ conuenit & Naturæ Di-
uinæ,

uinæ, imò de facto hoc modo Natura Diuina incarnata est, quia Carnem ad sui Personam assumpsit.

8. Quin imò etiam abstracta per intellectum Personalitate, quæ de facto est in Deo, Natura Diuina posset assumere; adhuc enim haberet omnipotentiam, per quam facta est Incarnatio. Nec illi defuisset Persona (sed non aliqua harum quas per intellectum ab illa segregamus) ut gentes & Iudæi intelligunt, & tunc fuisset, hic Deus, tanquam suppositum Deitatis, & Persona propriissimè dicta, Datur enim hic Deus, cōmunis tribus Personis, non tamen cum illis in numerum ponens, sicut prærer subsistentias relatiuas, datur etiam in Deo subsistentia absoluta, quâ subsistit Deus.

9. Ad hanc vnionem personalem assumi magis naturam humanam conueniebat (non quidem secundum passiuam potentiam naturalem, sed secundum congruentiam) quam aliquam aliam creaturam. Et hoc tum ratione dignitatis, quæ deest inferioribus, tum ratione necessitatis, quæ deest superioribus. Licet absolutè tam natura Angelica, quam quæuis alia inferior assumptibilis fuerit.

10. Sic verò verbū Patris vniuit sibi naturam humanā, quod nullo modo personam eiusdem assumpserit. Persona enim, non præintelligitur assumptioni. Alias vel corrumperetur & sic frustra esset, vel

B

in Chri-

in Christo essent duæ personæ, quod est inconueniens, nam sicut ponimus in ipso vnicum esse, ita ponere vnicam personam necessum est.

11. Nec naturā ab omnibus indiuiduis abstractā, nec in omnibus indiuiduis existentem : sed assumpsit hanc naturam ex stirpe Adæ, cum carne & sanguine, & Anima intellectiua, cum omnibus potentiis. Qua mediante assumpsit Carnem. Animam vero assumpsit, mediāte Spiritu, vel mente.

12. Attamen non prius Animam, quam Corpus. Quia tunc Anima aliquando propriam substantiam habuisset. Et sic vel non fuisset vnio facta secundum substantiam, vel substantia præexistens annihilaretur, quod non est concedendū. Simul itaq; vtrumq; assumpsit Animam & corpus verum, terrenum, non Cæleste, aut aereum.

De Gratia Habituali.

Licet Christus Dominus sit verè Deus secundum Personam, & naturam Diuinam. Quia tamen cum vnitatè Personæ, remaneat ibi distinctio Naturarum. Ideò Anima Christi, non est per suam essentiam Diuina : sed oportet quod sit Diuina per participationem, quæ est secundum gratiam habituali. Quam veluti quandam proprietatem con-

comi-

comitantem gratiam vnionis, in Christo Domino
ponimus in excellentissimo gradu, qualem decet
& conueniens est habere vnigenitum.

2. Et sicut certum est ex fide, in Anima Christi eam
esse secundum suum effectum formalem: Ita ea fide
tenendum quoq; est: quod quemadmodum in al-
liis hominibus iustis, gratis Deo, sic in ipso gratia est
Habitus, infusus à Deo, vt aliquid creatum inhærens
Animæ eius.

3. Quam adeò necessariam esse in humanitate
Christi docet D. Thom. Quod impossibile sit: eti-
am per absolutam Dei potentiam, vt Christus Do-
minus in quantum homo, sit gratus Deo gratitudi-
ne formali, absq; gratia habituali, & vt mereri posset
vitam æternam, seu præmium supernaturale à Deo,
vt est supernaturalis remunerator.

4. Inde veluti è fonte virtutes omnes promanan-
tes, in Christo Domino relucebant, in gradu hæroi-
co seu modo perfectissimo. Etsi non omnes secun-
dum omnes earum actus. quas ille habuit infusas
ab instanti conceptionis suæ, non eas tantum quæ
dicuntur & sunt infusæ ex suo genere, verum etiam il-
las quæ propria virtute acquisibiles sunt ab homine.

5. Remota tamen virtute Fidei, quæ in Christo
Domino locum habere minime potuit, etiam per
absolutam Dei potetiam, sicut nec in aliquo Beatorum

cum sit nedū viator, sed etiā perfectissimus cōprehensor, similiter virtutem spei ab ipso excludimus, quæ solummodo respectu aliquorum inerat ei, quæ nondum adeptus fuit, vt immortalitatis, gloriæ corporis, gloriæ omnium prædestinatorum. Quem habitum aut actum non esse elicitum ab habitu Theologico, sed potius esse actum desiderij propriè loquendo affirmamus: cuiusmodi desiderium ponit S. Thom. in Beatis respectu gloriæ corporum quod non potest propriè appellari Spēs.

6. Dona quoq; Spiritus sancti Excellentissimè ipsi collata sunt, secundum quæ potentia disponi solent, per specialem instinctum Spiritus S. ad altiores actus moralium virtutum in quorum numero reponimus, & timorem Dei in eo causatum respectu Diuinæ eminentiæ qui reuerentialis nūcupatur.

7. Omnes item gratiæ gratis date, vt in primo & principali fidei Doctore excellentissimè in ipso extiterunt. Spectabant namq; ad perfectionem eiusdem, quemadmodum & gratia habitualis, Differenter tamen eò quia habitualis gratia perficiebat ipsū immediatè coniungendo vltimo fini, per assimilationem. Gratiæ vero gratis datę prout ordinant hominem, ad quædam præparatoria fini vltimo, nec reuicimus prophetiam, quam etiam in Christo fuisse constat.

Vnde

8. Vnde his omnibus pensatis plenitudinem gratiæ, nedum quantum ad Quantitatem intensiuam, verum etiam extensiuè in eodem confitemur tanquam in vniuersali principio habentium gratiam. Et licet alij Sancti pleni gratia dicantur illa plenitudine gratiæ, quæ accipitur ex parte subiecti, ad id quod homo est Diuinitus præordinatus, plenitudo tamen gratiæ secundum rationem gratiæ, tam intensiuè quam extensiuè adeò est Christo propria, vt nulli Sanctorum, vt sic conueniat.

9. Est enim illa gratia Christi infinita, non quidem secundum rationem Entis, sic enim finita est, sicut & suum subiectum, sed secundum rationem gratiæ. Attamen eiuldem est speciei, quoad essentiam cum gratia aliorum, Et differt quo admodum essendi tantum siue specie modali.

10. Et quod maius est adeò est gratia Christi infinita, vt nec per Diuinam potentiam absolutam augeri possit, nec ex parte ipsius gratiæ nec ex parte subiecti, quemadmodum enim (etiã si fingendi datur licentia) non potest imaginari maior finis, quam ipsa vnio verbi incarnati, ita nec est possibile dari maiorem gratiam illa, quæ ad hanc vnionem ineffabilem ordinatur; ex qua suam sortitur amplitudinem, sicut & omnes aliæ formæ ex suo fine; Gratia enim Christi consequitur hanc vnionem, sicut splendor solem.

11. Sicut igitur non datur maior splendor, splendore solis, nisi detur sol splēdidior, ita nec gratia Christi potest dari maior nisi detur maior vnio. At quia nedum de potentia Dei ordinaria, verumetiam nec de potentia absoluta potest dari maior vnio, ideo nec gratia.

12. Quam gratiā, Vnionis gratia præcessit in Christo non ordine Temporis, sed naturæ & intellectus, vnde bene sequitur gratiam habitualement non fuisse, nec potuisse esse dispositionem ad vnionem Hypostaticam, vt præcedentem ipsam in aliquo genere causæ. Quemadmodum & ipsam infusionem gratiæ in Anima Christi nulla dispositio aut meritum antecessit, sed consequebatur vnionem, veluti quædam proprietas non vere & proprie dicta, sed secundario: & per quādam coaptationem, pro quanto est connaturalis Christo.

De Gratia Capitis.

Quare merito Christus Dominus dicitur Caput Ecclesiæ totius, tam militantis quam triumphantis, tam Angelorum quam hominum in quocunq; statu existentium, ad similitudinem Capitis naturalis. Ex quo Capite in omnia eius membra fluxit gratia nedum accidentalis, sed etiam essentialis (quod

(quod dico propter Angelos) nedum post peccatū,
sed etiam in statu innocentiae (quod dico propter
homines) illa originalis iustitiae gratia ab eodem
capite (non solum in quantum Deus erat, verum e-
tiam in quantum homo specificatiue) deriuabatur.

2. Non quoad Animas tantum, sed etiam quoad
Corpora tota humanitas Christi est Caput homi-
num. Et quoad Animas principaliter quoad Cor-
pora secundario, nec solum quoad supernaturales
perfectiones, sed etiam quoad naturales vt subordi-
nantur ordini gratiae & fini supernaturali & non
praeiisse. Quamuis vt sic sit etiam omnium creatu-
rarum Finis.

3. Est itaq; Caput omnium hominū, exceptis da-
mnatis, secundum totum tempus mundi. Secun-
dum diuersos gradus tamen. Quæ quidem gratia,
secundum quam est Caput Ecclesiae alios iustificās,
sola ratione differt, à Gratia personali, quā Anima
Christi est iustificata, cum tamen idem sint secun-
dum essentiam.

4. Esse igitur Caput Ecclesiae secundū influxum
interiorem est proprium Christo. Cæterum esse ca-
put Ecclesiae secundum exteriorem gubernationem
commune est Christo, & aliis, differenter tamen,
tum ratione extensionis, quia Christus est caput eo-
rum omnium, qui ad Ecclesiam pertinent, secundum
omnem

omnem locum, & tēpus, & statum, alij verò secundum specialia loca, vt Episcopi, vel tempus determinatum vt Papa, & secundum determinatum statum, scilicet viæ vt Optimates Capita populorum vocat *Amos* 6. Tum ratione virtutis, quia Christus est caput Ecclesiæ propria virtute & autoritate, alij vero vices gerūt Christi. *Pro Christo* (inquit S. Paulus) *legatione fungimur tanquam Deo exhortante per nos*, quare Christus dicitur *princeps pastorum* 1. *Petr: 5.*

5. Præterea licet & Diabōlus secundum exteriorē gubernationem, omnium malorum dicatur Caput, similiter & Antichristus, quia tamen non eo modo quo Christus Dominus vt dictum est, ideo non conuenit eis propria ratio Capitis.

De Scientia Beata Christi.

I. **E**T quoniam Filius Dei humanam naturam integram assumpsit, non solum Corpus, sed etiam Animam, non tantum sensitivam, verum etiam rationalem. Ideo in Christo Domino oportuit esse aliquam scientiam creatam præter increatam, nam licet per scientiā Diuinam cognouerit omnia, quia tamen intelligere Dei est sua substantia, quæ non potest esse actus secundum esse naturale alicuius creaturæ, ideo sicut de facto visio Beatifica, quæ quili-

quolibet Beatus, etiam Christus Dominus videt Deum, non est visio Diuina: quam videlicet producit Deus. Ita quod fieri non potest etiam per absolutam Dei potentiam, ut intellectio increata Dei communicetur alicui creaturæ, ut per ipsam formaliter sit intelligens aut sciens.

2. Quare circa scientiam Diuinam, in Christo Domino necesse est ponere scientiam creatam: tum propter prædictam rationem, tum ad integritatem ac perfectionem animæ rationalis necessario pertinentem. Alioqui frustra haberet animam intellectiuam.

3. Quæ scientia beata consistens in Dei visione est in Christo Domino excellentissime, tanquam in causa reducente homines de potentia ad actum beatitudinis.

4. Nec tamen per hanc scientiam beatam, comprehendit Diuinam essentiam, cum impossibile sit alicui intellectui creato, tantum ipsam cognoscere quantum est cognoscibilis: etiam per absolutam Dei potentiam.

5. Vidit verò per ipsam Diuinam essentiam etiam in hoc mortali corpore existens, & omnia attributa Diuina, & omnes perfectiones, quæ in Deo sunt formaliter, videt præterea omnia existentia secundum quodcunque tempus, omnium hominum dicta, facta, & cogitationes.

6. Itaque de facto videt in Deo, omnia genera, & species rerum, ad ordinem vniuersi pertinentium, quæ habent esse pro quacunque temporis differentia: & totum ordinem vniuersi. Omnia genera & species rerum, non tantum naturalium, sed etiam supernaturalium, quæ de facto habent esse pro quocunque tempore, & concessę intellectualibus creaturis, quibus iustificantur, ordinantur, & ad vitam æternam perducuntur.

7. Et videndo genera & species rerum, consequenter videt omnia individua rerum, pertinentium ad ordinem naturæ & gratiæ: & omnes rationes illis connaturales, secundum vniuscuiusque ordinem. Non tamen videt omnes rationes ipsis convenientes prout subsunt Diuinæ prouidentię, ac omnipotentię.

8. Ad hæc videt omnia mysteria fidei, siue illa pertineant per se ad fidem, siue per accidens. Item videt in verbo omnia supplicia damnatorum, præmia omnium beatorum omnes reprobos & beatos, qui sunt, fuerunt, velerunt. Omnia singularia siue contingentia, siue necessaria, omnes actus liberos cogitationes, volitiones, hominum & Angelorum, atque damnatorum quæ in æternum durabunt. Videt præterea, ea quæ sunt in potentia creaturæ, licet nunquam reducenda in actum.

Et tan-

9. Et tandem videt omnia in verbo quæcunq;
Deus scit scientia visionis: sicut & quilibet Beatus
videt in Diuina essentia, ea omnia quæ pertinent ad
statum suum.

10. Non tamen videt nec videre potest infinita
etiam in actu primo seu habitu, nec de potetia Dei
absoluta, omnia possibilis quæ recondita sunt
in potentia solius Dei.

11. Nam etsi ex cognitione omnium effectuum
possibilium in seipsis, si ponerentur extra Deum
non sequatur comprehensio. Sequitur tamen ex vi-
sione eorundem, in Diuina essentia, sic quod si o-
mnes effectus possibilis in Verbo videret compre-
henderet Verbum.

12. Et si loquamur de accidentibus successiuis,
vt sunt cogitationes futuræ in perpetuum, quas A-
nima Christi cognoscit semper in actu secundo, vna
simplicissima cognitione beata: dicendum est quod
cognoscit infinita actu. Licet loquendo de sub-
stantiis, & accidentibus permanentibus, nullo mo-
do sit dicendum infinita cognoscere in actu.

13. Videt verò clarius & perfectius, ceteris omni-
bus creaturis rationalibus, primam veritatem, quæ
est Diuina essentia: & ea omnia quæ in ipsa videt.

14. Et adeo excedit in perfectione, & claritate
illius visionis beatæ, quod videat perfectius Deum

quam quæcunq; creatura: etiam possibilis: est enim visio beata in Christo, sicut & gratia summa possibiliter.

15. Nec tamen ideo est diuersæ speciei essentialis scientia beata Christi, à scientia beata cuiuslibet alterius Beati: licet sit diuersæ rationis quoadmodum essendi.

16. Imo inuoluit contradictionem, dari aliquam cognitionem beatam distinctam specie, à cognitione beata tam animæ Christi, quam aliorū Beatorū.

De scientia indita vel infusa.

1. **P**Ræter scientiam beatam, oportet in Christo ponere aliam scientiam infusam, ad perfectionem intellectus possibilis, per quam ille cognouit omnia quæcunq; possunt ab homine cognosci, & virtute luminis intellectus agentis: & quæ per reuelationem Diuinam innotescunt. secundū quodcunq; Donum Spiritus S. nouit plenius & abundantius cæteris, excepta Diuina essentia.

2. Itaq; per istam cognoscit omnes res naturales, non tantū quoad eorum rationem communem, & quidditatem, & existentiam. Verum etiam propriam & singularem cuiuscunq; existentiam intuendo.

Nouit

3. Nouit præterea omnia indiuidua, cuiuslibet naturæ, non solum illa quæ de facto erunt: verum & possibilia, illarum tantum naturarum, quæ de facto habent esse pro aliqua temporis differentia. Omnes cogitationes actu existentes: etiam vt sunt in intellectu, & dependent ex libera determinatione voluntatis.

4. Per eandem scientiam, scit quoq; certò & infallibiliter, in proprio genere, futura cōtingentia omnia, etiam libera, & vt sunt in suis causis determinatis: & vt sunt in seipsis intuitiue & non abstractiue.

5. Iusuper per eandem scientiam, cognoscit intuitiue res singulares præteritas. Omnia obiecta supernaturalia, & mysteria gratiæ exhibita, in quacūq; differentia temporis, euidenter & in seipsis.

6. Potuit verò ea vtī, imo de facto vsus est aliquando, cum conuersione ad phantasmata: aliquādo sine conuersione, aliquando cum discursu, aliquando absq; discursu, secundū quod sibi placebat, non verò ex necessitate.

7. Tandem hæc scientia indita Animæ Christi Domini, est multo excellentior scientia Angelorum, quantum ad id quod se tenet ex parte Dei influentis: quò ad multitudinem videlicet cognitorum, & certitudinem cognitionis. Quantum verò ad id

quod se tenet ex parte subiecti recipientis, est infra scientiam Angelorum.

8. Vnde & recepta fuit in Christo per modum habitus, ac distincta per multos habitus: in quantum ad quamlibet naturam specificam intelligendam, requirebat peculiarem speciem intelligibilem.

De scientia acquisita.

1. **N**E autem intellectus Animæ Christi sit ociosus, ponimus in eo scientiam acquisitam, per propriam industriam habitam: (id enim valde consonat eius conaturalitati) per quam sciuit omnia illa, quæ possunt per actionem intellectus agētis sciri.

2. Proficiebat vero in ipsa: licet in beata aut infusa nullum habuerit profectum.

3. Et cum non fuerit conueniens, ut à quocunq; doceretur, ideo nihil ab ullo hominum didicit: cum ipse sit dux & præceptor omnium. Nec ab Angelis, cum sit eorum Doctor teste Dionysio.

4. Sed experimentalem quidem, accepit à rebus sensibilibus, super quas sapientia Dei est effusa. Infusam vero, ex impressione superiori immediate; nimirum à Deo, cui sit laus & gloria.



IN GRATIAM PHI- LOSOPHORVM.

Theſes præcipuæ ex Philoſophia, pro-
ponuntur.

EX PHYSICA.

1. Materia prima eſt pura potentia, in genere En-
tium.
2. Per nullam potētiam poteſt exiſtere ſine forma.
3. Materia corporis cæleſtis, non eſt eiufdem ſpe-
ciei cum materia horum inferiorum.
4. Actio eſt ſubiectiuè in agente.

EX LIBRIS DE ANIMA.

5. Idem eſt eſſe Animæ intellectiuæ & totius quod
primo conuenit Animæ, & ab ipſa communi-
catur toti composito.
6. In quo eſſe anima in omni ſuo ſtatu ſubſiſtit, vt
Quod.
7. Sanguis & alij tres humores, informantur ab a-
nima rationali, in homine.
8. Intellectus poſſibilis, in ordine ad intellectio-
nem quācunq̃ue, concurrit actiuè eam produ-
cendo.

EX ME-

EX METAPHYSICA.

9. In rebus creatis, natura & suppositum, distinguuntur realiter.
10. Suppositum supra naturam, addit Entitatem quandam positivam, substantialem, intrinsicam ipsi naturæ quatenus est terminata. Quæ quidem Entitas recte vocatur subsistentia.
11. Quæ distinguitur realiter ab existentia, in rebus creatis: in Deo aut sola ratione ratiocinata.
12. In vno composito, vnum est tantum esse simplex suppositi, nec possunt dari plures existentia partiales.

Disputabuntur publice in Ecclesia SS. Trinitatis.

Anno 1619. Mense Die Hom.

Ad Gloriam IESU Christi Filij Dei incarnati, &
Deiparæ Virginis Mariæ, ac Beatissimi Patris
nostri S. DOMINICI honorem.

in-

em

fe-

uæ

us

n-

xi-

&

s

.8

~~Colony of the~~

~~Alcay~~

~~St. James' Island, N. C.~~